

Broj: 03-08-A.B.R. - 4302 -JP/17  
Sarajevo, 06.02.2017. godine

Zavod zdravstvenog osiguranja Kantona Sarajevo na osnovu članova 52. stav 1, 55., 86. i 87. Zakona o zdravstvenoj zaštiti Federacije BiH ("Službene novine Federacije BiH", broj 46/10), člana 35. Zakona o zdravstvenom osiguranju ("Službene novine Federacije BiH", broj 30/97 i 7/02), Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo („Službene novine Kantona Sarajevo", broj 37/09), tačka V Odluke o utvrđivanju osnovnog paketa zdravstvenih prava ("Službene novine Federacije BiH", broj 21/09), Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH", broj 26/12), te na osnovu saglasnosti Upravnog odbora Zavoda zdravstvenog osiguranja Kantona Sarajevo broj: UO/06-7-DŽ.K.-1697/17 od 19.01.2017., a sve u skladu sa Aneksom II dio B, Zakona o javnim nabavkama BiH, raspisuje

**JAVNI POZIV**  
**ambulantama prodične medicine**  
**organizovanim kao dio doma zdravlja ili privatna praksa**  
**za ugovaranje usluga porodične/obiteljske medicine**

**NAZIV UGOVORNOG ORGANA**

**Zavod zdravstvenog osiguranja Kantona Sarajevo**

Kontakt telefon: 033 725 254/ 033 725 217

Faks: 033 725 298

Email: javne.nabavke@kzzosa.ba

Kontakt osoba: Edina Šahović i Amila B. Ramezić

**1. Predmet javnog poziva**

1.1. Predmet javnog poziva je ugovaranje usluga porodične/obiteljske medicine za potrebe osiguranih lica u Kantonu Sarajevo na teret sredstava obaveznog zdravstvenog osiguranja.

1.2. Tim porodične/obiteljske medicine čine:

- 1 doktor medicine specijalista porodične/obiteljske medicine ili doktor medicine sa posebnom edukacijom iz porodične/obiteljske medicine (PAT). Izuzetno tim porodične/obiteljske medicine može činiti specijalista druge grane medicine sa dodatnom edukacijom iz porodične/obiteljske medicine, odnosno doktor medicine koji ima obavezu da u roku od 12 mjeseci stekne dodatnu edukaciju iz porodične/obiteljske medicine (PAT).
- 1 medicinska sestra-tehničar SSS koja ima dodatnu edukaciju iz porodične/obiteljske medicine.
- 1 medicinska sestra/tehničar porodične/obiteljske medicine sa dodatnom edukacijom polivalentnih patronažnih sestara/sestara u zajednici u primarnoj zdravstvenoj zaštiti, a koja svojim djelovanjem pokriva djelatnost medicinske njege u zajednici.

1.3. Djelatnost porodične/obiteljske medicine osigurava jedan tim na 1.800 osiguranih lica i to za starije od 14 godina



## 2. Kvalifikacija – pravo učešća



- ❖ Pravo učešća u skladu sa članom 86. i 87. Zakona o zdravstvenoj zaštiti imaju ambulante porodične/obiteljske medicine organizovane kao dio doma zdravlja, privatna praksa ili drugi s tim da su u obavezi svoju djelatnost uskladiti sa Zakonom o zdravstvenoj zaštiti u roku od 12 mjeseci.
- ❖ Radno vrijeme tima porodične/obiteljske medicine treba biti definisano u skladu sa Kolektivnim ugovorom radnika u oblasti zdravstva i Zakonom o radu FBiH („Službene novine Federacije Bosne i Hercegovine”, broj 26/16 od 04.04.2016.godine).
- ❖ Timovi porodične/obiteljske medicine koji rade u dvije smjene dužni su organizovati radno vrijeme na način da radno vrijeme duge smjene treba početi 30 minuta prije okončanja rada tima iz prve smjene.
- ❖ Ambulante porodične/obiteljske medicine moraju organizovati rad u patronaži. Ukoliko ambulanta porodične/obiteljske medicine nije u mogućnosti obavljati kućne posjete, dužni su potpisati ugovor sa ustanovom koja će te usluge pružiti umjesto nje. Ugovor o takvoj saradnji izabrana ustanova mora predložiti Zavodu prije potpisivanja Ugovora o međusobnoj saradnji nakon provedenog ovog Javnog poziva.
- ❖ Ambulante porodične/obiteljske medicine ustanove moraju pružati transport pacijenata.
- ❖ Timovi porodične/obiteljske medicine će pružati usluge definisane Odlukom o utvrđivanju osnovnog paketa zdravstvenih prava (Službene novine FBiH broj 21/09 od 01.04.2009. godine).

## 3. Potrebna dokumentacija – dokazi

- 3.1.1. Rješenje o upisu u sudski registar (ovjerena fotokopija);
- 3.1.2. Rješenje Ministarstva zdravstva Kantona Sarajeva o odobrenju rada iz oblasti porodične/obiteljske medicine (ovjerena fotokopija);
- 3.1.3. Podaci o timu porodične/obiteljske medicine, lokacija, ime i prezime ljekara i ime i prezime medicinske sestre/tehničara i sestre/tehničara sa položenim ispitom polivalentnih patronažnih sestara/ sestara u zajednici u primarnoj zdravstvenoj zaštiti. Za ustanove za više timova porodične/obiteljske medicine dostaviti tabelarni pregled sa traženim podacima.
- 3.1.4. Izvod iz matične evidencije PIO, kao dokaz da su svi zaposlenici iz prijavljenih timova u stalnom radnom odnosu;
- 3.1.5. Ambulante porodične/obiteljske medicine koje zadovolje sve uslove navedene u ovom javnom pozivu, te zaključite ugovor sa Zavodom, dužne su uplaćivati doprinose na platu odabranim timovima porodične/obiteljske medicine, u suprotnom isti će biti raskinut;
- 3.1.6. Ovjerena kopija diplome i uvjerenja o položenom specijalističkom ispitu za specijalistu porodične/obiteljske medicine, odnosno ovjerena kopija diplome i dokaz o završenoj edukaciji iz porodične/obiteljske medicine,
- 3.1.7. Ovjerena fotokopija važeće licence izdata od strane nadležne ljekarske komore za ljekare koji će pružati zdravstvene usluge;
- 3.1.8. Ovjerena kopija diplome o završenoj srednjoj medicinskoj školi i/ili ovjerene kopija diplome o dodatnoj edukaciji polivalentnih patronažnih sestara/ sestara u zajednici u

primarnoj zdravstvenoj zaštiti iz porodične/obiteljske medicine za medicinsku sestru i tehničara u sastavu tima,;

- 3.1.9. *Ovjerena fotokopija važeće licence komore medicinskih sestara i tehničara Kantona Sarajevo (odnosno nadležne komore) za medicinske sestre i primalja koje će pružati zdravstvene usluge, a sve u skladu sa Zakonom o sestrinstvu i primaljstvu ("Službene novine Federacije BiH", broj 43/13);*

### **3.2. Dodatni dokumenti**

*Pored naprijed navedenih dokumenata, svi zainteresovani pružaoci zdravstvenih usluga koji apliciraju po ovom javnom pozivu dužni su dostaviti slijedeće dokumente:*

- 3.2.1. *Uvjerenje izdato od strane ovlaštenog organa u BiH u cilju dokazivanja da je ispunio obaveze u vezi sa plaćanjem doprinosa za socijalno osiguranje, a koje obuhvata penzoinvalidsko i zdravstveno osiguranje u skladu sa relevantnim zakonskim propisima u Bosni i Hercegovini;*
- 3.2.2. *Izjava o prihvatanju naknade, koja će biti utvrđena po kapitaciji (broju i strukturi opredijeljenih osiguranika);*

*Godišnja vrijednost naknade po osiguraniku (kapitacija) iznosi:*

<i>Dobne grupe</i>	<i>Porodična medicina bez djelatnosti zdravstvene njege u zajednici u bodovima</i>	<i>Porodična medicina sa zdravstvenom njegom u zajednici u bodovima</i>
<i>14-19</i>	<i>32</i>	<i>40</i>
<i>20-49</i>	<i>41,6</i>	<i>52</i>
<i>50-64</i>	<i>57,6</i>	<i>72</i>
<i>65+</i>	<i>80</i>	<i>100</i>

*U rijetko naseljenom ruralnom području ovisno od veličine populacije, udaljenosti od zdravstvenih kapaciteta kao i putnih komunikacija, Zavod će prilagoditi iznos kapitacije primjenom korektivnog faktora kojim bi se ukupna naknada uvećala za iznos do 20%.*

*Cijena godišnjeg rada tima podrazumijeva sve troškove: troškove radne snage, troškove amortizacije, sve materijalne troškove, troškove rada nezdravstvenih radnika.*

*Vrijednost boda iznosi 0,92 KM.*

- 3.2.3. *Izjava pružaoca usluga ovjerena kod nadležnog organa kojom garantuje zdravstvenu uslugu standardnog kvaliteta u skladu sa savremenim dostignućima medicinske struke;*
- 3.2.4. *Izjava ovjerena kod nadležnog organa da su svi angažovani radnici u stalnom radnom odnosu i punom radnom vremenu, a ne angažovani po osnovu dopunskog rada za pružanje zdravstvenih usluga za koje dostavlja svoju prijavu.*
- 3.2.5. *Izjava ovjerena kod nadležnog organa o prihvatanju obaveze iz člana 171. i 172. Zakona o zdravstvenoj zaštiti (Službene novine FBiH broj 46/10 od 02.08.2010. godine) (za doktore medicine u privatnoj praksi).*
- 3.2.6. *Izjava ovjerena kod nadležnog organa o prihvatanju svih uslova iz ovog Javnog poziva je uslov za zaključivanje ugovora o međusobnoj saradnji.*

*Svaki akt pisan od strane podnosioca prijave mora biti uredno ovjeren od strane ovlaštenog lica ne stariji od 3 (tri) mjeseca od dan predaje prijave.*

4. Sve bliže uslove (način upućivanja pacijenata, način plaćanja, mjesečno usaglašavanje registrovanih pacijenata po timovima na osnovu čega će se vršiti plaćanje i sl.) regulisat će se posebnim ugovorom zaključenim između Zavoda zdravstvenog osiguranja Kantona Sarajevo i odabranih zdravstvenih ustanova porodične/obiteljske medicine na period od 1 (jedne) godine sa mogućnošću produženja još 1 (jedne) godine po usvajanju Finansijskog plana Zavoda za narednu godinu.
5. Zdravstvene ustanove, koji ispune tražene uslove, plaćat će se u skladu sa brojem registrovanih osiguranika kako je definisano u tački 3.2.2..
6. Zdravstvene ustanove porodične/obiteljske medicine, koji ispune tražene uslove, biće dužni u ostvarenom roku dostaviti spiskove registrovanih pacijenata razvrstane prema timovima i dobnim skupinama.  
Spisak registrovanih osiguranih lica pored navedenog, mora da sadrži ime i prezime registrovanog pacijenta, JMBR, osnov osiguranja, adresu prebivališta i datum registrovanja za svako osigurano lice.
7. Ukoliko su pojedini dokumenti napisani na nekom drugom jeziku koji nije službeni u Bosni i Hercegovini, potrebno je dostaviti i zvaničan prevod sudskog tumača.
8. Zainteresirani pružaoci zdravstvenih usluga porodične/obiteljske medicine mogu dostaviti svoje prijave po ovom javnom pozivu **u roku od 45 dana** od dana zadnje objave.
9. Prijave se dostavljaju na adresu: Zavod zdravstvenog osiguranja Kantona Sarajevo, ul. Zmaja od Bosne do broja 62, Sarajevo sa naznakom: „Prijava za javni poziv za odabir pružaoca usluga porodične/obiteljske medicine“ „NE OTVARAJ“.
10. Za sve detaljnije informacije možete se obratiti na telefon 033 725 200 ili 033 752 217.
11. Neblagovremene i nepotpune prijave neće biti uzete u razmatranje.
12. Period trajanja ugovora je na 1 (jedne) godine sa mogućnošću produženja za još 1 (jednu) godinu po usvajanju Finansijskog plana Zavoda.

DIREKTOR



Mr. sci. oec. pfm. spec. dr. Samir Turković